

Intervju sa prof. dr. Duškom Medićem, dekanom Fakulteta pravnih nauka Panevropskog univerziteta "APEIRON" Banja Luka

Znanje je kapital koji vam niko ne može oduzeti

Naši studenti su gotovo iz svih krajeva Bosne i Hercegovine, a i iz susjednih zemalja

Na Fakultetu pravnih nauka Panevropskog univerziteta "APEIRON" Banja Luka razgovarali smo sa dekanom prof. dr. Duškom Medićem.

Student: Kada je osnovan Fakultet pravnih nauka?

Prof. dr. Duško Medić: Fakultet pravnih nauka je akreditovan rješenjem Ministarstva prosvjete i kulture Republike Srpske od 18. 10. 2005. godine. Upisan je kao visokoškolska ustanova u sudskom registru Osnovnog suda Banja Luka 29. 12. 2005. godine. Ovaj Fakultet je članica i jedan od osnivača Panevropskog univerziteta "APEIRON" Banja Luka koji je upisan kao visokoškolska ustanova u sudskom registru Osnovnog suda Banja Luka 17. 3. 2006. godine.

Student: Ko su studenti vašeg Fakulteta?

Prof. dr. Duško Medić: Naši studenti su gotovo iz svih krajeva Bosne i Hercegovine, a i iz susjednih zemalja. Bitno je napomenuti da su nam povjerenje dali podjednako studenti iz oba entiteta i sve tri nacije u Bosni i Hercegovini, a to je ono što nas posebno raduje. Ovo najbolje pokazuje da mladi ljudi žele alternativu, koja je bazirana na autoritetu znanja i struke.

Student: Ko su profesori koji predaju na Fakultetu pravnih nauka?

Prof. dr. Duško Medić: Na našem Fakultetu predaju renomirani profesori, kako iz Bosne i Hercegovine, tako i iz inostranstva. Pored profesora i saradnika koji su u punom i djelimičnom radnom odnosu, ugovorom je angažovan i značajan broj eminentnih stručnjaka u svojstvu gostujućih profesora. Oni imaju autoritet baziran na znanju i pravilnom odnosu prema studentima, tako da ih motivišu na kontinuiran i zahtjevan rad.

Student: Šta je cilj studiranja?

Prof. dr. Duško Medić: Cilj studija je da naši studenti steknu, ne samo odgovarajuća znanja vezana za teoretsko razumijevanje predmeta, već također i specifične vještine, odnosno sposobnosti i kompetencije vezane za praktičnu i operativnu primjenu tih znanja, te vještine neophodne za sticanje odgovarajućih profesionalnih kvalifikacija.

Pažljivo izbalansiranim nastavnim planom i programom u okviru kojeg je 58 % obaveznih, a 42 % izbornih predmeta, naši studenti imaju mogućnost da individualiziraju studij prema vlastitim sklonostima i potrebama.



Želimo da stvaramo kadrove koji će biti sposobni da kreiraju održivu zajednicu